

ზეინ ალ-აბედინ მარაყაი, „ებრაჰიმ ბეგის მოგზაურობის დღიური“

Zeyn al-‘Ābedīn Marāgha’ī, *Siyāhat-nāme-ye Ebrāhīm Bīg yā balā-ye ta’assob-e ū, be kūshesh-e Mohammad ‘Alī Sepānlū*, Tehran, 1364/1985.



[თბილისელი ირანელები] ან მშენებლობაზე მუშაობდნენ, ან თიხას ზელდნენ, ან ქუჩაში ქვაფენილს აგებდნენ... როგორც ჩანს, ამ ქვეყანაში ყველაზე მძიმე და დამაცირებელი სამუშაო უბედურ ირანელებს ერგოთ. გადასასვლელზე ერთ მათგანს გამოველაპარაკეთ და ვკითხეთ: „აქ ირანელი ვაჭრები თუ არიან?“ გვიპასუხა: „როგორ არა, ხალათოვისა და ბარანბეგოვის ქარვასლებში ბევრი ირანელი ვაჭარია“.

ამ ქარვასლების ადგილმდებარეობა გავიგეთ და იქით გავემურეთ. ერთ-ერთში შევედით და ყურადღებით მიმოვიხედე. დავინახეთ, რომ მაღაზიებში ირანელები ისხდნენ და მათ გარშემო ყანაოზის ქსოვილი, ჰამადანისა და ბორუჯერდის ჩითი, იაზდის ნარმა და ნაინის ტილო თოფებად ეწყო.

(სპარსულიდან თარგმნა მ. ალექსიძემ)